

Trys bruolē

Pri opēs, tarp mēška
Trīs bruolē gīvena.
Be juokē rūpesnē,
Kol tievā pasena.
Žvejuojē, grībava,
Medžiuojē, ougava.
Moštīniu nekielē.
Če vēskas kāp sāva.
Tievelems ēšmēros
Tas lēzds jiemē ertē,
Ē nuostuolius bruolē,
Jau praded patērtē.
Svarbiausē, pajota,
Kad nier šeiminkēs,
Nuors sukuos tēi bruolē

Kāp vabals dvilinkis.
Reikiejē jau kortēis
Pu sava lizdieli.
Če, kaimē, palēktē?
A dumt ī miestieli?
Kāp matuot, tēi bruolē
Darbū nebējuojē,
Bet lēzda sau soktē
Dar vēna bējuojē.
Sustuojēj pri berža
Ēšrontē i tuoši:
“Kas būs, jē par meilē
Ē laisvē praluoši?
Kas būs, je gīvenēms
Tau dontis paruodīs?!”

A pati sopīkusi,
Šunimis ožpjūdīs?”
Trīs bruolē žemaitē
Ont berža tēp rašē.
Vuo žuodius tus perdoutē
Tik gegožēis prašē.
Kas metā pavasarēs
Ana kukou,
Pri opēs, tarp mēška
Su bruolēs joukou.
Tēkriusē ē dabā
Tēn pat tebgīven.
Tik bruolē sovargē,
Dejoudamē sten.